



**GJYKATA SUPREME E REPUBLIKËS SË KOSOVËS
VRHOVNI SUD REPUBLIKE KOSOVA
SUPREME COURT OF THE REPUBLIC OF KOSOVA**

Agj.nr.314/2012

10.09.2012

Prishtinë

Gjykata Supreme e Republikës së Kosovës, në Mbledhjen e përgjithshme të mbajtur më 10.09.2012, në bazë të nenit 18 të Ligjit për Gjykatat e Rregullta, përcaktoi këtë:

QËNDRIM PARIMOR

Ekzekutimi i dënimit me burgim nuk mund të fillojë, nëse ka arritur afati absolut i parashkrimit; gjithashtu dëni i nuk mund të vazhdojë të ekzekutohet, nëse gjatë mbajtjes së dënimit është arritur afati absolut i parashkrimit të dënimit.

A r s y t i m i

Në praktikat e gjykatave janë paraqitur mëdyshje, nëse dëni i duhet të ekzekutohet ose jo brenda afatit absolut, përkatesisht kur i dënuari ka filluar vuajtjen e dënimit, a mund të arrihet afati i parashkrimit absolut.

Në disa gjykata po zbatohet praktika, sipas së cilës nuk mund të bëhet fjalë për arritjen e afatit absolut të parashkrimit të ekzekutimit të dënimit, nëse i dënuar ndodhet në vuajtje të dënimit. Sipas rezonimit të këtyre gjykatave, nëse i dënuari është dërguar në vuajtje të dënimit qoftë vetëm një orë para arritjes së afatit absolut të parashkrimit, ai duhet ta vuajë dënimin në tërësi, ngase është evituar mundësia e arritjes së afatit absolut të parashkrimit të ekzekutimit të dënimit.

Kodi Penal i Republikës së Kosovës, përkitazi me parashkrimin e ekzekutimit të dënimit, në nenin 92 shprehet: “Përveç rasteve kur është parashikuara ndryshe me këtë Kod, dëni i shqiptuar nuk mund të ekzekutohet kur të kenë kaluar:

- 1) *Tridhjetë e pesë vjet nga dëni me burgim afatgjatë;*
- 2) *Pesëmbëdhjetë vjet nga dëni me mbi dhjetë vjet burgim;*
- 3) *Dhjetë vjet nga dëni me mbi pesë vjet burgim;*
- 4) *Pesë vjet nga dëni me mbi tri vjet burgim;*
- 5) *Tri vjet nga dëni me mbi një vit burgim dhe*
- 6) *Dy vjet nga dëni me burgim deri në një vit apo dëni me gjobë.”*

Parashkrimi i ekzekutimit të dënimit konsiston në faktin se, pas kalimit të kohës së parashikuar me ligj, dëni i shqiptuar nuk mund të ekzekutohet.

Afati i parashkrimit të ekzekutimit të dënimit fillon të rrjedhë nga dita kur aktgjykimi është bërë i plotfuqishëm, por nëse është revokuar dëni alternativ, nga dita kur vendimi mbi revokimin është bërë i plotfuqishëm (paragrafi 1).

Nëse dëni me gjobë, e cila nuk është paguar, zëvendësohet me dënim me burgim, parashkrimi i ekzekutimit të këtij dëni fillon të rrjedhë nga dita kur vendimi i gjykatës për këtë zëvendësim është bërë i plotfuqishëm.

Nëse parashkrimi ka ndodhur para se aktgjykimi të jetë bërë i plotefuqishëm, atëherë duhet konsideruar se është fjala për parashkrim të ndjekjes penale.

Parashkrimi i ekzekutimit ndodh si për dënimet kryesore, ashtu dhe për dënimet alternative dhe plotësuese. Mirëpo, parashkrimi i dënimive plotësuese nuk ndodh në të njëjtën kohë si për dënimet kryesore dhe alternative.

Kohëzgjatja e afatit të parashkrimit varet prej masës së dënitit të shqiptuar, pra nuk është me rëndësi dënnimi i parashikuar me ligj për veprën penale. Kohëzgjatja e afateve të parashkrimit është përcaktuar sipas dënitit kryesor.

Afati maksimal i parashkrimit është 35 vjet nga dita që aktgjykimi me të cilin është shqiptuar dënnimi me burgim afatgjatë është bërë i plotfuqishëm, ndërsa afati minimal është dy vjet nga dita që aktgjykimi me të cilin është shqiptuar dënnimi me burgim deri në një vit apo dënnimi me gjobë është bërë i plotfuqishëm.

Për përcaktimin e afatit të parashkrimit gjithmonë vendimtar është dënnimi i shqiptuar me aktgjykim të plotfuqishëm dhe jo ndryshimet e mëpastajme, të cilat mund t'i bëhen dënitit përmes amnistisë apo faljes.

Për parashkrimin e burgimit për të mitur vlejnë dispozitat e Kodit të Drejtësisë për të Mitur (neni 36).

Në nenin 94 të KPK thuhet:

“ (1) Afati i parashkrimit të ekzekutimit të dënitit fillon të rrjedhë nga dita kur aktgjykimi është bërë i plotfuqishëm, e nëse dënnimi alternativ është revokuar, parashkrimi fillon nga dita kur vendimi mbi revokimin është bërë i plotfuqishëm.

(2) Afati i parashkrimit nuk rrjedh gjatë kohës kur sipas ligjit ekzekutimi i dënitit nuk mund të fillohet.

(3) Afati i parashkrimit ndërpritet me çdo veprim të filluar nga organi kompetent me qëllim të ekzekutimit të dënitit.

(4) Pas çdo ndërprerje fillon të rrjedhë afati i ri i parashkrimit.

(5) Ekzekutimi i dënitit ndalohet në çdo rast kur të ketë kaluar dyfishi i kohës që kërkohet nga ligji për afatin e parashkrimit (ndalimi absolut i ekzekutimit të dënitit).

(6) Dispozitat nga paragrafi 2 deri te paragrafi 5 të këtij nenit zbatohen për ndalimin e ekzekutimit të masave të trajtimit të detyrueshëm.”

Rrjedha e afatit relativ të parashkrimit të dënimit ndërpritet me çdo veprim të filluar nga organi kompetent me qëllim të ekzekutimit të dënimit dhe fillon të rrjedhë rishtas (nga fillimi), mirëpo, pavarësisht se sa herë është ndërprerë afati i parashkrimit - sa herë ai ka filluar rishtas të rrjedhë, në momentin kur kalon dyfishi i kohës së kërkuar me ligj, dënimini nuk mund të ekzekutohet, (i dënuari nuk mund të dërgohet në vuajtje të dënimit) dhe nuk mund të vazhdohet ekzekutimi, (nëse i dënuari ndodhet në vuajtje të dënimit dhe nëse gjatë vuajtjes së dënimit arrihet afti i parashkrimit).

Nëse ekzekutimi i dënimit nuk mund të fillohet pas arritjes së parashkrimit absolut, atëherë ai nuk mundet as të vazhdohet pas arritjes së këtij afati. Norma juridike thotë se ekzekutimi i dënimit **ndalohet** në momentin kur kalon dyfishi i kohës së kërkuar me ligj dhe ligji nuk ka lënë asnje alternativ tjeter, përndryshe po të ishte menduar se afati i parashkrimit absolut nuk rrjedh gjatë vuajtjes së dënimit, në këtë normë do të mund të thuhej: “Përjashtimisht, afati absolut nuk rrjedh, nëse i dënuari është në vuajtje të dënimit”. Sipas ndërtimit të dispozitës së pikës 5 të nenit 94, ecjen e afatit absolut të parashkrimit të ekzekutimit të dënimit nuk mund ta ndalojëasnje veprim dhe as fillimi i vuajtjes së dënimit, (ligji ka përdorur shprehjen “**ndalohet**” ekzekutimi, pa asnje përjashtim dhe shprehja “**ndalohet**” do të thotë se vuajtja e dënimit nuk fillohet nëse s’ka filluar ende dhe ndalohet nëse vuajtja e dënimit është në ecje e sipër (tashmë ka filluar).


Gjatë kohës së ekzekutimit të dënimit, (kur i dënuari është duke mbajtur dënimin) rrjedh afati absolut i parashkrimit, ashtu që ekzekutimi i një dënimi të tillë duhet të bëhet brenda afatit absolut. Duke pasur parasysh se **fillimi, vazhdimi** dhe **përfundimi** i ekzekutimit të dënimit kanë përbajtje të njëjtë juridike, për këtë arsyen ato nuk mund

të kushtëzohen me situata të ndryshme juridike (dmth. të mos fillohet mbajtja e dënimit nëse afati absolut i parashkrimit është arritur para se i dënuari ta ketë filluar mbajtjen e dënimit, ndërsa” mund të vazhdohet dhe të përfundohet mbajtja e dënimit , nëse i dënuari ka filluar ta mbaj dënimin”- nëse afati absolut i parashkrimit të dënimit atë e ka gjetur në mbajtje të dënimit-në burg , ngase këtë se thotë ligji) dhe, meqenëse dënim i nuk mund të fillojë të ekzekutohet pas arritjes së afatit absolut të parashkrimit, ekzekutimi nuk mundet as të vazhdojë të ekzekutohet, nëse gjatë kohës së mbajtjes së dënimit me burgim, arrin afati absolut i parashkrimit i parashikuar me ligj dhe është kështu sepse ligji nuk ka parashikuar ndonjë afat tjeter të fillimit të ecjes së afatit të parashkrimit absolut, por vetëm atë që fillon nga momenti kur aktgjykimi ka marrë formë të prerë.

Gjykata duhet ta mbajë rreptësishtë parasysh afatin e parashkrimit dhe, nëse afati absolut i parashkrimit arrihet gjatë kohës së vuajtjes së dënimit, ajo duhet ta ndërpresë me aktvendim vazhdimin e mëtejmë të ekzekutimit të dënimit.

Kryetari i Gjykatës,

Dr.sc. Fejzullah Hasani

A handwritten signature in blue ink, appearing to read "Fejzullah Hasani". The signature is written in a cursive style with some vertical lines extending downwards from the letters.